




L^{11c}
989 (35)







L'HOMÉ FRANC.

JOURNAL TOUT NOUBEL.

ÉN PATOIS,

FAÏT ÉSPRÈS PER TOULOUSO,




NUMERO I.

LE 8 DE FÉBRIÉ 1791.



A LAS BRABOS GÉNS DE MESTIÉ.

11
Lc 989(55)





JOURNAL ÉN PATOIS.

A LAS BRABOS GÉNS DE MESTIÉ.

Dins tout ço que direi, la bertat counsacrado,
Sara de moun abis toutjoun accoumpagnado.
Trop huroux se jamaï difion de moun Journal
Qu'a coumberit à-fer las géns que penson mal!

TOUT le moundé rasouno, tout le moundé crido,
tout le moundé escriou; & faut de s'entendré,
tout le moundé és dibifar. D'oun bén aco? De
l'animousitat d'un partit, & de la méchanto bou-
lountat de l'autré. Le premié se meïso & bol se
benjea del segoun, que cerco à repréné sur el le
poudé qu'ancienomén le sort de sa nayssénço, ou
la bapitat, ou l'argént l'y abion fait usurpa: ni l'un
ni l'autré bolén pas sa cap de sacrifici, & cepan-
dant aco's nécessari, per-entreteni aquello uniou,
aquello pax qu'an toutjoun fait regarda Toulouso
coumo uno de las Bilos las pus renoummados per
l'hounestetat, la douçou & la bountat de sous
habitans. Nou cercarei pas, coumo foxo Escri-
bens, à sa battré les unis dambé les autrés; nou

foufflarei pas le foc de la dibisiou ; prétendrei encaro méns mé disputa à cops de plumos ambé aquelis famusés Poultriqués que cresén tout bezé sans beyré rés ; que dounon de plans impoussiblés, & que s'éron de bouno fé, mettrion de coustat leur prébention, leur amour-propre, leur intérêt, & téndrion un lengatgé tout differén. Escriourei libromén ço que pensi ; parlarei de las falsos noubelos que certenos géns rependoyn per la Bilo per sa réboultà le poplé ; las tournarei en ridiculé ; farei besé que cercon à nous troumpa , per apey nous mettré le pè sur la gorjo ; dounarei las noubelos la pus intéressantos ; explicarei de moun miliou ço que le poplé soubén nou pot pas coumprené, parço que l'y parlon pas soun lengatgé, & que le troumpon ambé de grandis mots que pouyrion l'y fa coumettré le mal jouts l'apparengo del bé , se soun simplé rasounomén & soun amour per la pax l'en empachabon pas. Coumençarei pel seromén cibiqué, ensuite passarei as Curés & as Abesqués.

Éténdi diré per-tout que le seromén cibiqué destruis la Religiou ; au legissi dins les escrious de cèrtenis Curés que nou rougissén pas de nous boulé fa creyré qu'effectibomén l'Assemblado Nariounalo n'a pas d'autro intencion. Per m'au persuada, caldrio me prouba que le seromén attaquo directomén ou indirectomén la Religiou, la fé, & forço les Capelas à serbi un autré Dious ; quand me saran bézé, ço qu'és de touto impoussibilitat, cou-

mo aou baou demoustra , me soumettrei à debeni Joufin.

Le seromén cibiqué n'attaquo directomén ni indirectomén la Religiou, car qu'és aco que la Religiou ? Aco's le culté que randen à Dious , à la Sento Bierjo , & as Sants : counsisto d'abord pés Capelas à celebra fantomén le sacrifici de la Messo , à rempli toutis les debers que lour soun ourdounadis per la Gleiso ; per nous aous, à assista débotomén an aquel fant sacrifici de la Messo , toutis les Dimenchés & Festos de l'annado , à coufessa & communia auméns un cop l'an : per elis coumo per nous aous , à adoura Dious , à hounoura & inbouca la Sento Bierjo coumo nostré Aboucat al prep de Dious , à prega les Sants coumo de bienhuroufés que podén oubteni del Creatou tout ço que ly demandon per nous aous; ensuite, à fa de bé à son béfi, se sapla boulé de tout le moundé , & à biouré toutis coumo frayrés per l'amour de Dious : le seromén cibiqué nou défén pas rés de tout aco , nou engatjo pas à fa rés de countrari; dounc n'attaquo pas la Religiou.

N'attaquo pas directomén ni indirectomén la fé; car qu'és aco que la fé ? Aco's ço que cresen ; counsisto à estré persuadats que y a un Dious en très perfounos ; que soun Fil s'és fait homé per l'amour de nous aous, qu'és mort per effaçà nostris pecats ; qu'és ressuscitat per nous recoumpensa ou nous puni à nostré darnié joun : counsisto anfin à creyré toutis les mysteris sacrats counsinnadis dins

le Libré fant , eſcriout per l'ordré de Dious mémo ; le feromé n cibiqué nou forço pas à creyré outro cauſo ; dounc n'attaquo ni la fé , ni la Religiou ; dounc la deſtruis pas.

Les Curés s'enraucou à foxo dé brama que la Gleifo és abandonado , que leur miniſteri ba debeni inutillé ; que beyren leu la paraulo de Dious meſprezado , & que la maledictiou di-bino nou tardara pas à ſe manifefte ſur la terro : ſe prébalen del poudé que leur douno leur plaço ſur las counſciencos paurugos , per ſe fa un partit , & alluma la diſcordo , aou loc de fa ço que leur dits l'Ebangeli : « *ſiats ſimplés , ſiats humblés , & que* » *la Douçtrino ſanto faſco touto boſtro oucupa-* » *tiou.* »

Jogon leur rollé ; les unis proufanon dins le coufeſſionnal le caracteri ſacrat que leur és eſtat imprimat ſoulomé n per remettre les pecats , & menaçon de la dannatiou éternello les péniténs que ſoun pas de leur abis ; les autres griffounon & fan bendré leurs méchantos penſados , que les randén indinnés d'exerça las founctious d'un Diſciplé de Jeſu - Chrit ; qualqués - unis cambion à tout moumén de faiçou de penſa ; fan les eſpiouns dins le partit que deteſton , & les délatous dins le leur ; leur counduito mérito pas certenomén uno recoupenſo ; nous bolen eſpaubenta per de menaços , nous diſén que noſtre ſalut és l'uniquo raſou que les fa crida d'aquelo maniero , pendén que bezen claromé n que cercon pas qu'à exécuta leurs


proujets, countenta leur passiou & fa doumina leur partit.


Les Abesqués canton sur un autré aïré. Podén pas, coumo les Curés, menaçà leurs Peniténs, perço qué n'an pas cap, & qu'an toutjoun regardat coumo al dejouts de leur grandou, d'entendré qualqu'un en coufessiou. Pretendén que le Papo fera pas maï le Bicari de Jesu-Christ sur la terro, que soun poudé fera anéantit, que leur missiou nou fera pas la memo, qu'aquelis que leur succedaran dins leur plaço, nou seran pas béritablomén Abesqués, & nou pouiran pas per counséquent n'exerça las fountious; disputon à la Natiou le drét de les noumma, coumo sé le poplé y besio pas pus clar que la Mestresso d'un Ministré, qu'autrés cops pagabon per foullicita & fa présenta un sujét à nostré boun Rey, que prenio sous Ministrés per d'hounestos géns, & nou fasio pas difficultat d'accourda ço que ly demandabon. Toutos leurs prétentious leur serbissén de prétesté per descrida le seromén cibiqué qu'és le memo que foxo d'entr'élis & foxo Curés an déjà prestat dins las assemblados qu'an aougut loc per noumma les Oufficiés Municipals, les Administratous del Départomén, aquelis del District & les Jutgés. Persouno n'oun és la dupo; tout le moundé sab que leur counstitutiou cibilo, décrétado per l'Assèmlado Natiounalo, qué nou cambio pas rés à leur estat esprituel, les chagrino belcop, perço que n'auran pas les memos abantagés, que seran oubligeats de garda leur troupel, de ly douna


l'exemplé de la bertut , de biouyré d'amb'el , aou loc de fa la poulido cambo ou de traïna carrossô dins Paris , perço qu'encaro lour pensiou fera pas prou forto per entreteni foxo doumesticos , foxo chabals , & per pensiouna *certains neboudos* , que manjabon maï que toutis les autrés , que les fasion endeuta , & que finission souben per déboura tout le capital de lour rebengut.

Aprep abé dit la bertat & moun sentimén , dibi me cala : alabets finissi en abertiscan las brabos géns de mestié que moun Journal pareffera dus ou très cops per més , selouin que la circoüstenco l'exigera : ferei trop huroux sé parbeni à lour fa bénafi lour sort & à mérita lour counsienco & lour amistat !











BIBLIOTHEQUE NATIONALE DE FRANCE



3 7531 06429056 3